

新刻羣音類選

新刻羣音類選卷十

虎林 胡氏 文會堂 校選

千金記

僊賜書劔

玉芙蓉英雄豈霸岳四海風塵阻嘆當今人民已遭
荼苦平時輔治先文佐亂世成功須武屬合秦失鹿
看天下共逐先得高才那時方顯是捷足前腔牙籤
已萬軸空貯畱書府聖賢言畱書贈劔完玉先王道
德修文譜功業須成取効服合前前腔青鋒劔可磨
古史書堪讀愧鯀生何能受君成玉倘一朝際會身

沾祿萬感難忘當報復合前

受辱胯下

錦纏頭把英雄盡付與淮河水流髮監睜雙眸禍來
時平地無由俺自有翅排雲氣克斗牛怎肯與他年
少成仇今日裡且含羞俺胸中有森羅甲冑從龍奮
九州管教他在車前伏首記男兒談笑覓封侯

夫妻分別

玉交枝胸中豪氣蘊奇才何嘗比試近聞得楚國招
賢文和武總歸如市封侯萬里丈夫期揚名四海男
兒志合甚日得榮歸故里須有日榮歸故里前腔官

人留意論功名難容阻滯愁只愁眼下饑寒衣和食
怎生區處絲麻夜績抵晨炊蠶桑早辦充寒計合前
憶多嬌學已精須顯名時來不出辜此生一劒橫磨
要使天下平合掩袂傷情掩袂傷情滿眼滄沱淚零
前腔君遠行妾轉驚夫妻恩重別離輕休戀天涯使
我愁悶縈合前關寶蟾非薄倖你且不須淚零雪耻
畱王韜畧有成我不思身貴顯妻封贈怎捨得分飛離
鄉背井合叮嚀須聽牽衣說誓盟富貴回來富貴回
來休忘此情前腔難畱戀一旦君今此行遠道風霜
干戈戰爭奴只慮衣食缺漸經營君向驅馳跋涉山

程水程合前不是路聽得悲聲必是從軍事遠行你
妻孤另即君此去門戶有誰撐告娘聽荆妻此別成孤
另陪伴還須母子情我這桑榆晚景百年難保身和
命不須謙遜不須謙遜皂角兒嘆即君勿遠行恨家貧
一無相贈我孩兒遠去從軍到如今死生難准可畱
心通一信汝功名必唾手不須愁悶君還榮幸即便轉
程錦衣榮印懸肘後有斗大黃金前腔也不愁家業
亂零也不愁鏡鸞分影恐君家畫虎不成反做了一
場笑哂論人生取功名求富貴榮宗祖豈是僥倖前
緣分定不須苦縈總不如守衡門藝鹽樂道際會風

雲尾聲一朝折散鸞鳳影願此去風塵掃盡衣錦還鄉把家筵再整

鴻門會宴

畫省序設宴割鴻溝各守邊疆免為仇笑亡秦失鹿是誰先收蓋世勇力拔山垓畱霸業易如唾手合離鄉久富貴若不還鄉如着錦衣夜遊前腔蒙佑恩德難酬鴻溝自割諸共約無謬不失盟言方顯得大王仁厚愧不才量不如升又不如斗不敢謙讓辭酒從今後楚漢二國無爭鬪免使黎民結寇仇合前僥僥令太阿初出匣寒光射斗牛殺氣騰騰鋒芒吼唬得

沛公心不自由、前腔玉山顛倒後、告免出郊遊、這回
脫得金蟬殼、方顯得漢張良神計謀、尾聲拆破玉籠
飛彩鳳、頓開金鎖走蛟龍、亞父空使機謀事不偶、

霸王夜宴

香柳娘捧金盃在手、捧金盃在手、向前為壽、一傾須
用三百斗、要追歡遣愁、要追歡遣愁、取次奏瑩篴、慙
懃捲紅袖、合暫卸甲解胄、暫卸甲解胄、秉燭夜遊、絕
勝清晝、前腔正交歡未休、正交歡未休、紅裙進酒、聽
鷓鴣纔唱、眉先皺、我豈區區楚囚、豈區區楚囚、我偷眼
覷吳鉤、料敵人死吾手、合前前腔把花枝當酒籌、把

花枝當酒籌、香沾羅袖、舞腰柔似風前柳、且及時獻酬、
且及時獻酬、歲月疾如流、百年一回首、合前前腔把
夜宴且收、把夜宴且收、懽娛良久、聽樵樓幾點傳更
漏、愛清宵景幽、愛清宵景幽、碧月照金甌、銀河璨珠
斗、合前漿水令、任金烏崑崙倦飛、喜銀蟾海嶠漸離
輕、敲檀板翠眉低、酒翻玉液、錦袖淋漓、軍中宴真奇
會、羆熊擺列、風雲隊相隨、趁相隨、紛紛似蟻、轅門
外、轅門外、盡鼓轟雷、尾聲催歸、一派笙歌沸、勝似洞
天福地、明朝重排筵席、

虞姬自刎

泣顏回霸業已成灰論英雄蓋世無敵時遭挫折如
今枉自遲疑心中自思恨當初早不聽鴻門計捉孤
身冒敵當鋒時不利豈知今日錦上添花金鼓要分明
金鼓要分明人望旌旗馬聽鑼聲把都每把都每勢
擺箇合羅陣前腔一鼓便興師二鼓往前征鼓擂三
通砲發連聲把都每把都每勢擺箇黃龍陣前腔頭
帶茜紅纓頭帶茜紅纓挽上強弓箭發流星把都每
把都每勢擺箇分街陣前腔前陣兩邊分前陣兩邊
分中隊盤桓後隊追奔把都每把都每勢擺箇常山
陣泣顏回腰間仗劍吐虹霓天亡吾楚看看食盡兵

波歌聲四起、楚歌聲吹散了、三軍隊、我和伊難捨分、
離禁不住、兩行珠淚、前腔嫁鷄怎不逐鷄飛、交妾身
如何存濟、心灰腸斷、雲山翠壓愁眉、聽喧天鼓聲、漢
軍來、四下裡重圍閉、合前不是路、垓下重圍、帳裡將
軍知也未、你為何的、四下騰騰橫殺氣、英雄志、當初
指望造洪基、如今一旦成虛費、你不須疑、將你三尺
青鋒、與我先刎死、我就把青鋒劍與伊、粉消玉碎、粉
消玉碎、撲燈蛾可憐一婦人、可憐一婦人、激烈男兒
志、甘自把身軀、喪吾龍泉劍也、魄散魂飛、好教人一
身無計、到如今、怎生區處、只愁漢兵又來至、前腔告

大王你不須遲滯、沉軍情緊急、須迴避去也、將伊首級來馬上懸之、愿生死同歸一處、管教先登青史、畱取箇美名兒、(尾聲)仰天大哭、長吁氣、四望山河難料理、可惜虞姬先勿死、

羽刎烏江

(玉交枝)奇才大用、苦天亡、今朝計窮、縱江東父老相憐、有何顏與他承奉、(合)八千子弟盡成空、幾年霸業如春夢、聽說罷、教人氣沖、(前腔)大王自重、這江東尤堪建封、況居民鷄犬相聞、養鋒芒待時鼓動、(合)前腔聞知心痛、我何顏重興霸功、嘆英雄瓦解誰扶到、

頭來自慚何用、合前尾聲從來寡不能敵衆萬顆驪
珠淚泣紅恨不得圖王正考終

報信淮陰

大聖樂 昨宵門掩清幽獨對銀釭冷淚流魚沉鴈杳
音書遠空去馬斷歸舟試看關山萬疊無窮恨江海
雖深有限愁合展轉傷懷抱也嘆當初悔教夫婿覓封
侯前腔勸孩兒休皺眉頭紅潤絞綃把淚收人生聚
散如雲鳥相見處效綢繆辜負了桃嬌嫩柳三春景
捱過了菊老荷枯幾度秋合前不是路途悠悠特
到淮陰古郡州是何人徑入咱每有甚求聽因由韓

將齊王口信投他恩賜還鄉掃墓丘既如此且停畱
茶飯薄禮權生受恐稽時候恐稽時候掉角兒嘆當
初陋巷窮愁向淮陰被人倨傲遶天涯五載羈畱喜
功名果然成就做高官騎駿馬衣輕裘繫玉帶怎生
消受合貧須自守富非強求想人生時來早晚似水
週流前腔再不須探望耽憂再不怕幾年迤逗再不
必長吁短嘆再不把淚痕搵透整花鈿梳雲髻解同
心還合浦兩情依舊合前尾聲堂開畫錦歸來後美
滿生春百事有受過淒涼一筆勾

投筆記

班超慶壽

錦堂月凍解銀塘風和綺陌、萸英小庭初長、柳媚花
明、人堪對景持觴、喜天南寶婺星祥、祝堂北萱花無
恙、合相酌唱、但願鶴筭龜齡、地久天長、前腔華堂絳
蠟垂光、金爐散彩、琴瑟正協宮商、只怕中饋無能、甘
心願守糟糠、喜庭幃愛日融和、願連理春風和暢、合
前前腔祈祥、萬壽無疆、一家有慶、還誇操比松篁、一
脉書香、撐持幸有賢郎、早飛騰、萬里鵬程、快奮躍三
春桃浪、合前前腔門牆清白、流芳簪纓、繼世一從鏡
破鸞翔、舉目淒涼、惟存節、屬冰霜、慮桑榆景逼西山、

美蘭玉春榮閭巷合前醉翁子惆悵守困苦事親無
祿養效負米肩薪當勉強聽講喜伉儷年芳同醉舞
班衣畫錦堂合花前賞願歲歲年年笑歌酬唱前腔
端想吾老矣貧無所望惟教子希圖異日封章瞻仰
及早飛黃騰踏莫作終身田舍郎合前僥僥令花間
翻蝶板柳外奏鶯簧合花柳季季皆一樣人貌年年增
感傷前腔笑喧珠玉燦歌舞綵衣揚只見玉女吹笙
仙童唱月轉闌干上海棠尾聲看花醉月休悵快且
把情懷舒暢只怕明日花飛春去忙

班超投筆

解三醒念當今赤符受命適中興陽運方亨漢家制
度強軍政措天下致隆平屯田此日懷充國前席何
時召賈生還思省總中原擾攘有志澄清前腔雖則
是大塊於人分已定怎知道不得其平物自鳴若還
此身無由進當抱璞泣明庭馬知司馬能題柱當效
終軍自請纓還思省兀的是筆鋒誤我我誤前程太
師引細評論毛穎枉自煙霏霧騰欲倚文場較勝何
曾夢裡花生欲一掃千軍俱盡難展我胸中耿耿從
今須信穎兔無靈便索恃他無處立功名八聲甘州
歌寒胎餓影笑窮酸終是劣相薄命身雖貧困吾道

相時當亨、羊質虎皮、虛負名、鼯鼠黔驢技未精、試聽
鷗飛為主、不忘情、前腔胸中醉六經、棟梁材休覲作
浪花浮梗、乞食韓信、親滌器可羨長卿、古人未際皆
迫窘、豈羨洛陽田二頃、畢竟有志者事豈無成、前腔
恩東怒暫停、古人言絕交不出惡聲、揉唇鼓舌、出言
話好不三省、堪嘲野狐假虎形、應笑山鷄與鳳爭、可
哂醜婦效顰人自憎、前腔冥鴻羽翼輕、駕扶搖直上
九萬鵬程、不鳴則已、一鳴頓使人驚、只怕你青雲渺
漫無路登、露冷風寒落羽翎、與我打出去、莫滯公庭、
尾聲笑駑駘出言不遜、論黃數白不堪聽、遂出吾廬

再不放他門下行

桑園勸夫

步步嬌滿地風飄梨花雪、衣薄寒猶怯、清晨微雨歇、
露潤苔封、徑滑金蓮折、對景自傷嗟、南園綠草飛蝴蝶、

蝶

懶畫眉殘紅點點濕綾波、古木陰陰翳女蘿、野禽枝
上怨聲多、總然歲歉遭饑餓、肯把閑愁付鳥歌、前腔
從來女織事桑麻、古道佳人薄命多、幾番臨鏡怨嬌
娥、猛然玉筍風前墮、蠶婦衣衫乏綺羅、前腔不能攀
龍附鳳佩、鳴珂到效牧豕乘牛扣角歌、胸中志氣未

消磨功名若也成虛話、辜負慈母三遷教、孟軻前腔、
只道東隣少女唱茶歌、原來是擲柳鶯聲弄錦梭、年春
事已蹉跎、交交虛度光陰過、不管百歲人生老去何
孝順歌、黃和紫本是同根、葉先養蠶為綺羅、黃者
味如何、酸澁還如我、紫當比他、雖則甘佳、尚不能濟
人饑餓、這酸可比鹽梅、有日鼎羹堪和、前腔、我身勞
瘁、他心太多、嘆家貧不能承奉婆、緩步到林坡採蕨
充饑餓、也是無如奈何、他今日不敷、反說清寧之話、
我不如棄置黃泉、方道是妻賢無禍、前腔、違親去、一
月過、自慚桂玉無措何、彈鋏過豪家、無魚攬、非禍多

因命途坎坷、今日投筆歸來、見母應難回話、一似乞
祭齊人、早被妻孥瞧破、前腔休垂淚、莫怨嗟、嘗聞古
人多折挫、賈誼屈長沙、淮陰受人胯、當效自乾面唾、
你看范叔高明也、曾罪歸須賈、管仲三敗歸來、有日
一匡天下、鑽南枝、胸次擅才華、功名路不賒、早見鯢
騰魚化、衣錦歸來、榮閭里、名揚播、親所悅、人所誇、方
信道偉丈夫、尾聲丈夫有淚空偷墮、此際青衫濕更
多、時運不齊奈若何、

指引前程

駐馬聽、冰鑑風標、奇狀堂堂骨格高、可羨你伏犀貫

頂兩耳垂肩、氣槩英豪、眉峯高聳、利雙刀、虎頭燕額、
非凡貌、必掛綠緋袍、封侯萬里、前程不小、前腔浪跡、
萍飄碣石、浮生嘆苦勞、爲志寒窗十載、漁獵經書、繼
晷焚膏、金魚塵甌、受寂寥、齏鹽藜藿、甘清薄、一似魚
困梁濠、望先生藻鑑、何時榮耀、

鬪黑麻、遠大前程、今難盡說、蓋世功名、終無挫跌、聖
天子、選豪傑、冀北羣空、乘時早出、合男兒、事業必當
立大節、肯守犁鋤、肯守犁鋤、虛延歲月、前腔自恨淹
留才、疲志劣、幸遇高明、把我前程剖決、從今去、志昂
烈、獻策金門、還期大捷、合前

別母求試

黃鶯兒（黃鶯兒）花落怨啼鶻，嘆桑榆，暮景懸，家貧採樵充朝
膳，時年運蹇，物殊味鮮，怎能勾酸盡香甜轉，苦饑寒，
朝憂暮怨，難度這荒年，（前腔）貧未爨朝煙，效烹葵薦
野鮮，自慚茹淡添姑怨，心事幾般愁腸萬千，背將淚
界殘粧面，免憂煎，還須自遣，強度這荒年。

園林好，從今日兒離母前，待不去，饑寒怎免，只慮西
山景短，空淚洒，北堂萱，空淚洒，北堂萱，（前腔）憶疇昔
蚤失所，天守孤貧，忘食廢眠，課兒郎希圖貴顯，望榮
祿養終年，望榮祿養終年，（前腔）喜科場正發少年，你

胸中文兼武全、須望鷹揚鶚薦、鰲頭上、早爭先、鰲頭
上、早爭先、江兒水無限心中事、不盡言、伏雌烹却鷄
為餞、須記得、糟糠情、繾綣、休戀富貴忘貧賤、只落得
一聲長嘆、念水遠山長、未卜何時相見、前腔臨別非
無淚、心自酸、吞聲未語腸先斷、痛煞煞、只恐萱親念
冷冷、清清難免、佳人怨、此際離情無限、念前前腔所為
功名事、休淚漣、名成利就、只願早疏辭、金殿舉頭須
念春暉短、倚門頻望長安遠、只怕鱗鴻音斷、念前玉
交枝、不須畱戀、且收拾行裝、半肩家貧母老當畱念
倘欠缺、吾自斡旋、相親賴依徐母賢、功名早遂班郎

願合莫令人望得眼穿、不由人心不慘然。
前腔休得哀怨我、豈親今當老年、晨昏代吾供調膳、并白勞切莫辭勞倦。
婦事舅姑、理當然兒須念母休遊遠。
合前川撥棹程途畔、倘逢人、附寸箋、又不可露宿風眠、又不
可露宿風眠、渴飲饑食、宜保全。
合這愁懷有萬千、這愁懷有萬千、
前腔子道親情事未全、又被功名一線牽。
倘一日出使三邊、倘一日出使三邊、萬里瞻雲各一天。
合前尾聲叮嚀話別辭家眷、一曲驪歌各淚漣。
須望你駟馬高車返故園。

班超中選

雅柏觀英姿，氣壓萬雄非。行伍披堅類，同料大任可。
充大任，可充金符耀日，鳥集生風，渭水非熊，青海神
龍。念使絕域去，立邊功，清海宇，靖羗戎。前腔興炎祚，
赤心秉忠，持大節禦侮折衝，當銳養鋒，當銳養鋒。合
縱連橫，遠近交攻，萬里清寧，誓絕狼烽。合前前腔念
儒臣不習武功，憑筆舌盡瘁鞠躬，身猶轉蓬，身猶轉
蓬，深入不毛，持節觀風，說甚麼易水生寒，日貫長虹。
合前一撮棹披金鎧，安排上鐵驄去，邊城外歷霜風。
西夷遠，梯航料可相通，燕然石勒，奏捷元功，落落羗
夷種。臣妾皆入貢，他日裡談笑覓侯封。尾聲從今感戴

君恩重、直教劔倚崆峒、須信天山早掛弓。

班超出使

朝元歌、山城早行、薄霧迷樵徑、邊城遠行、殘月隨人影、曙色朦朧、雲林破暝、回首顧瞻鄉井、渺隔雲層、高堂舞衣、今漸冷、林壑鷓鴣鳴、偏傷遊子情、（合）西夷外境、何日狼煙寧靜、前腔、當日遙傳王命、趣裝車遠征、持節請長纓、虎窟龍潭、不辭馳騁、會看西夷繫頸、瀚海澄清、須教燕然勒石銘、腰下有青萍、幕南空虜庭、（合）前腔、多少窮嗟、峻嶺攀緣、不暫停、車驟馬流星、暮宿晨征、饑食渴飲、堪嘆行踪不定、一似浪捲浮萍、微

羈付諸一芥輕、何暇濯塵纓、空聞流水聲、谷前前腔、
遙指玉關隱隱、煙迷塞草青、雲鎖漢長城、羽檄交馳、
胡笳悲哽、我是皇華天使、怎敢偷生、嬰鋒冒刃萬里、
行、鵲鷗亂屯營、豺狼當道橫、谷前

姑媳憶起

二犯傷粧臺、無語倚南樓、湘簾高捲、控金鈎、啼痕點
點、沾羅袖、離愁種種上眉頭、你思親、早把封書奏、我
憶子、空牽萬里憂、從他去後、望穿兩眸、傷春未已、又
悲秋、前腔、鳳簫聲絕、綵雲收、画眉人去、鏡驚羞、春山
蹙、頓庭前柳、丁香時結、雨中愁、天涯渺漠、無魚鴈、聞

閣徒勞望斗牛、從他去後、望穿兩眸、悔教夫婿覓封
侯、下山虎去時、春暮、花落鶯愁、記折長亭柳、送兒遠
遊、那堪光景如流、回首杜若芳洲、屈指西風又到秋、
非我心恐疾、只慮桑榆景易收、但願功名就、慎勿淹
畱、當念高堂人白頭、箭腔金壺應節、銀箭纏秋、明月
穿窗牖、漏添幾籌、又聽得蛩語亂、秋秋砧杵韻悠悠、
慘淡寒燈相向愁、別後添憔悴、爭怕姑知語、復休、不
敢將眉皺、只得背偷淚、流腸斷湘江、欲盡頭、小桃紅
寶爐煙透、金錢暗投、此卦名大有、剛來又柔、心下轉
煩憂、把爻象再搜求也、須見單上單、拆上拆、仔細明

休咎也、外象三爻多逗遛、再變天風姤、豫利建侯、未
有音書出隴頭、（尾聲）月光轉過亭前柳、風靜簾閒夜
更幽、不覺梧桐露滴秋、

超明遠邑

泣顏回、萬里靜風煙、一輪月到中天、清虛宮殿是何
人、推轉玉盤珠簾幕捲、浸闌干、十二清光滿、看扶疎
桂影孤妍、那嫦娥偏愛青年、（前腔）戍樓高處不勝寒、
泠泠露漑青氈、肌生銀粟、非因酒力微淺、悲思故園、
念孤幃此夜有佳人、怨見烏鵲飛遶南枝、空目斷萬
里遙天、（古輪臺）別團圓、清光堪掬、又堪憐、浪翻銀屋

如鋪練、金波舒捲。見玉鏡、高懸感天上。月有缺圓、邊
塞征人、獨瞻銀漢。斥妖墓、休蔽眼。眸前危欄繞、遍問
嫦娥何獨孤眠。廣寒宮裡一般清冷、有誰為伴。長夜
更如年、當消遣。陰晴明夜、總難言。前腔嬋娟、何事偏
向別離圓。念枕戈將卒、棲邊嘆家鄉遙遠。歲月遷延
盼寒衣、鴈阻天邊。望干戈、關山未偃。異國今夕是何
年。西堂夢斷、班衣遊子、何堪。胡笳悽慘、羌管悲咽。銀
河清淺、星斗墜寒漣。千頃琉璃、夜深風露濕貂蟬。
尾聲。此生此夜、不常見。明日明年、何地看。幾處淒涼、
幾處歡。

趙家被難

山坡羊風颼颼窗櫺紙壞影蕭蕭庭梧葉敗冷冷清清
薄羅體怯悶懨懨粧面啼痕界觀鏡臺塵蒙驚鏡埋
合歡被冷休鋪蓋寂寞蘭房生翠苔難排腸斷凭欄
日幾迴裙釵泣對西風怨命垂前腔歲荒荒一錢難
賃形碌碌晨昏匪懈一絲絲忽然斷機亂茸茸費盡
工夫解這大足織成難剪裁不能繡個鴛鴦綵總製
寒衣倩誰寄邊塞傷懷一寸心一寸灰愁懷一種開
又是一種來前腔恨悠悠身無倚賴淚潺潺不勝沈
酒眼睜睜望孩兒欲穿愁蹙蹙難展雙眉黛老瘦

難禁苦病催、晨昏感你相看待、未甯孩兒何日回、徘徊望斷衡陽無鴈來、疑猜靈鵲音乖、鴉噪槐前腔遠、迢迢人遊天外、急煎煎、姑愁無奈、日寥寥、自甘淡薄、意遑遑、奉母無鮭菜、夫未回、憂煩自遣排、家貧匱乏、奴布擺阿母須當襟抱開、吾儕竭力承顏、理所該、堪哀母為思兒骨似柴、香柳娘、聽秋聲、竦然聽秋聲、竦然元的是窻鳴、虛籟斜陽犬吠籬門外、想是何人到來、是何人到來、心下致疑猜、聆音好驚怪、聽他言我、是官司有差、非干閒揣、前腔、念吾家業儒、念吾家業儒、世傳清白、臣忠子孝、無他罪、又何必拒推、又何必

拒推及早把門開、開門好相待、你賢郎在遠塞、你賢
郎在遠塞、有書寄回、特來傳拜、奉順歌、悶似縷、愁如
海、止不住淋漓淚滿腮、你為王命赴邊陲、空教人倚
門待、怎提防蕭牆禍來、你却忘了殺水承歡、膝前舞
綵、好一似泛泛浮鷗、浪跡天涯外、路遠遙音阻、幸怨
孩兒滯邊塞、前腔、家破壞、並無金與帛、煢煢兩口無
依賴、姑老望憐哀、難禁這狼狽、你且畧踈悶懷、今日
便到官司諒無深罪、他總忘却枕畔之人、豈不念親
還在路遙遠、音信乖、怨夫身滯邊塞、

幹係起家

園林起班孟堅心通道學班仲升有文才武畧我一
門素敦忠孝問那蕭何犯着那一條前腔息雷霆聽
叔訢告念吾姑病軀潦倒我丈夫苟違名教寧將妾
赴法曹寧將妾赴法曹前腔你孩兒臣事外朝奉聖旨依
律議招他當初把人譏誚可不羞殺了那班超羞殺
了那班超前腔念吾儕欲全友道把仲升家屬領保
他若有分毫差謬我情願戮都市謝皇朝戮都市謝
皇朝江兒水吾奉君王詔怎將他罪饒你孩兒犯法
違條教從今不管尊和少一家遠戍沙場草焚了他
家官誥青史班班却被後人遺笑前腔只為孩兒不

肖、貽累娘受惱、他鄉真偽無音耗、班超果是降胡不、
粉身碎骨何須道、伏望垂恩聽告、自古仁人誰不恤、
孤憐老玉胞肚姑身衰老、望寬容將他罪饒、畢竟要
六問三推待奴家、一已承招、休言醜好、寧做提繫贖
罪也、得孝名標、休說母死、王陵歸漢朝、前腔不須話
噪、班仲升平生氣高、雖則是遠死遐荒、料不肯屈節
失療、吾今上表、伏波意欲諄、雖遭蘇武終當返漢朝、

匈奴困超

江頭金柱、堪嘆為臣不易、堅將節操持、古道見危授
命、俱有公議、要把清名昭簡史、為王事羈縻身不由

已死在黃沙邊地，馬革包尸，靈臺湛然，無改移，望咸陽故都，咸陽故都，闕廷為誓，自思之，介推守節，甘焚灰，博望乘槎，未肯歸，前腔憶昔乘輅出使，西行遽棄繻，自負有平夷之志，勉思竭義，常愧收功，報主遲，今困重圍，肯辭一死，但只慮高堂老矣，腸斷心悲，終朝倚門，顯望兒，俺這裡為臣盡忠，為臣盡忠，一心無二，慢講驅火牛已出田單計，不斬樓蘭誓不歸。

憶多嬌食已絕計已竭，孤軍到此遭覆轍，何必拘拘國名節，舍死離生別，死離生別，一似莊周夢蝶，前腔心激烈，言割決，怎將漢朝綱紀滅，李陵衛律是伊同。

合前蘭黑麻虜氣方驕英雄挫折鐵壘重墉狼煙萬
疊漢兵馬又懸絕莫待臨危中流失楫合含悲哽咽
徒勞瞻漢關身困樊籠有翼怎出前腔有
志平胡經游百粵豈肯甘心屈身突厥吾腰下有長
鉞劈破藩籬把天驕盡滅合前

超火匈奴

山花子吾軍破虜皆爭勇此宵誰敢當鋒寡敵衆出
奇火攻把腥羶一掃皆空合奏捷書飛報九重天恩
不日出漢宮功名管取勒鼎鐘德頌河清共樂時雍
前腔明朝西域來朝貢吾當遠上皇封到咸陽奏君

大功遠圖報國、據忠、合前、紅繡鞋、俺司馬果敢英雄、
英雄參謀妙算無窮、無窮、誅北虜、駭西戎、箭飛雨、月
彎弓、尸填壑、血流紅、

割股救姑

風雲會四朝元、誰樓鼓響、黃昏人斷腸、見虛櫺風急、
破窻月上、隔牆燈影亮、聽蛩吟永巷、聽蛩吟永巷、只
見鼠雀紛然、螢火飄揚、銀箭催更、因徒悲杖、都是悽
涼狀、離恨與天長、正是刻木難忘、畫地成羅網、他
鄉信未詳、俺這裡遭無妄、妻悲母慘、嗟嗟怨怨、怎禁
愁況、前腔、昔同鴛帳、今為薄倖郎、指望百年聚首、生

死相傍、終身是奴所望、為功名阻當、為功名阻當、因
此琴瑟睽違、菽水淒涼、門戶蕭條、家園飄蕩、姑婦遭
冤枉、嗟、男子少剛腸、一似泛梗流萍、到處隨波漾、若
能歸故鄉、早把皇封上、庶無偏向、整整齊齊、婦隨夫
唱、前腔、班家門望、文章世所長、諒忠貞素秉、節義高
尚、功名未可量、想是奸謀惡黨、奸謀惡黨、思他獨擅
先功、掃蕩夷羗、又怕他麟閣標名、雲臺圖像、因此將
他謫、嗟、豈可壞綱常、寧效那取義成仁、死也得停當、
書史有耿光、千年名不喪、春秋筆仗、今今古古、是非
喧嚷、前腔、夫遊窮壤、事姑理所當、爭奈衣無韋布、食

絕饋餉、凡百皆勉強、今又遭其患難、遭其患難、若說起情由、教我怎不悲傷、更目瞑黃泉、心無舒暢、把後事重思想、嗟奴本是糟糠、只合與你奉祀蘋蘩、到此成虛講、生前無祿養、死後沒祭奠、百年絕望、悲悲苦苦、此心惆悵、

香羅帶、焚香告上蒼、鑒奴禱禳、姑身病篤、心慘傷、他為因憶子、滯他鄉也、求醫療、少仙方、望神天鑒佑、脫禍殃、吉轉凶消也、願得春回萱草堂、前腔并刀似雪、霜、照人吐光、非奴苦要名譽彰、謾言道遺體、不堪傷也、只為姑病篤、我便死何妨、憑誰寄與薄倖郎、怎知

骨肉傷殘也休忘糟糠妻下堂

納款歸朝

石榴花名歸故里先付一封書煩傳報母和妻他鄉
無日不懷思竟不知起處何如想晨昏自愧疎甘旨
望白雲魂越神飛幾時得定省庭幃前腔天涯歲晚
一騎望南歸心戚慘忍別離啼痕濕透李陵衣恨伯
勞海外分飛歸朝上書看雲臺画像題名字喜一朝雨
露沾濡想聲名佈滿鄉閭漿水令響簌簌載道金鑿
亂飄搖貢旗高樹胡笳品竹樂彈絲紅紅白白寶珍
奇異西夷犬犬宛駒番童納款胡兒從侍歸朝去歸

朝去拜帝畿、龍顏喜、龍顏喜、勅書來至、
尾聲黃金幣、帛多收取、遠向咸陽上國歸、從此功勲播四夷、

郭恂送書

畫眉亭雪色透疎櫺、虛室愁人正孤另、看林巒一夜、
已失蔥蒨、村落裡林籟無聲、江漢外飛禽絕影、
合此時欺面、威冷、惟酒可勝寒勁、前腔岐路已兼平、千
里瓊瑤色相映、苦天涯遊子、怎禁嚴凝、惟慮着馬阻、
藍關猶恐怕鴈迷秦嶺、合前前腔浮世若飄萍、人生
能有幾光景、牽白頭相聚共樂浮生、煨榾柮共坐爐
圍、添雪水、漫烹清茗、合前前腔火滅玉壺冰、酒力充

寒醉還醒見銀粧世界玉砌臺亭童謠咏來歲禎祥
天意黯今宵昏暝台前不是路北驟南征行盡天涯
萬里程衝風雪今朝重上故人庭是何人緣何直向
吾門進我是遠使同袍名郭恂因歸順今與仲升稍
帶平安信感承勞頓感承勞頓前腔聞他屈節膾脛
未審何年還帝京無憑準一時未得圖鄉井直待西
夷諸國平天將曠恐違欽限歸心緊上朝復命上朝
復命小桃紅母親膝下并我家荆一自離鄉國歲時
屢更嘆早晚失溫清不知老景可安寧恨此身功未
成不得圖家慶也思母空將珠淚傾書付人歸省累

疎悶縈未得承顏盡子情。發脾念書中言不盡。紙上
淚猶疑他寫處。增愁悶。我讀罷愈傷情。料不久吾將
目瞑。怎得你衣錦歸榮。止不住潺潺淚零。想母子兩
地難會。今生前腔。休言薄倖。書內見分明。本欲全忠
鯁。怎得孝名成。心中事無限不平。總疊做萬種愁成。
只落得長吁數聲。須信佳人從來薄命。尾聲。且寬懷
休憂悶。終須有日到家庭。只怕煩惱憂愁與殘年送
行。

徐幹會超

紅衲襖口讀聖賢書。豈不念烏鳥情。身與虎狼居。志

不忘丹鳳城待要成仁取義全名行怎肯屈志歸夷
偷此生你道我所志呵三尺劍要斷單于頸一寸丹
敢忘君父命休觀我做顛狂柳絮隨風也自是苦操
松筠固歲盟前腔那時節完璧南旋拜漢庭幾時得款水承
歡畫錦榮又不得鳴珂佩玉懸金印只落得冒矢嬰
鋒習戰征總然是勵冰霜節自勁只恐你老風塵殞
將星只管在遐天遠塞樓進也不問暑往寒來幾變
更前腔憶昔銜書出帝京指望挽天河洗甲兵行要
學前朝驃騎霍去病做不得持節還鄉蘇子卿離則
是成敗興亡未可憑也須畱死後名垂汗青一任他

陰靈卓竅青天也。俺這裡瑞氣昂昂貫日星。前腔我看夙夜遑遑勞此形。說不得西羌自請荆。假饒是老蟠兩鬢居他境。到不如歸去嚴灘釣月明。泛浮槎動客星。濯滄浪潔素纓。你欲天涯鳥盡弓藏也。辭不得狡兔死走狗烹。五更轉離漢朝持王命。節志如初不變更。豈料奸臣毀敗毀敗吾名行。反間朝廷把吾家屬牢穿我。銜恩感你感你全吾信。幸把友道扶持。始見交情不吝前腔自別來心耿耿。雲樹徒勞望遠行。伊家患難患難忽相併。向朝廷批鱗力諍。今日裡冒險馳危邊境。我與你同歸故國。故國圖家慶方顯得友道。

羣音集 卷一
親情兩能兼盡

鄧娘別姑

小桃紅拜違膝下、上書紫宸、只為綱常事、暫拋老親、
姑老值家貧、望你與看承也、須索寒與衣、饑與食、早
晚勞省問也、異日夫歸當報恩、（合）衷曲說不盡、骨肉
解紛、滴破青衫、總淚痕、（前腔）夙遭險釁、微軀病貧、受
盡千般苦、教他怎不怨嗔、只是我誤伊身、你夫婦似
參辰兒未歸、婦又離、教我心何忍也、怎得母子團圓、
夫妻有倫、（合）艱路途滋味、風霜苦辛、晨夕當謹慎、保
重此身、從不出家門、那識途路貧、起宜遲、宿宜早、旅

泊須安穩也、莫帶釵荆休梳鬢、雲合前、尾聲難為別、
不忍分、斷腸人送斷腸人、淚滴湘江水亦渾、

姑嫂相會

桂枝香、干戈載道、煙塵四擾、俺這裡是寡婦之門、不
顧你風疾雨暴、更荒村日暮、更荒村日暮、重門整柝、
是誰頻叫、添我悶懷焦、此不是尋宿處、休把柴門來
亂敲、前腔、經遊遠道、力疲筋弱、可憐在逆旅之間、值
此天光暝了、盼前村又遠、盼前村又遠、尋宿不到、聽
城頭角起、更譙、若不是黃昏也、朱門怎敢敲、前腔、聽
他言道、令人傷悼、絮叨叨無限恹惶、訴不盡離愁多

少向紗窗隙處向紗窗隙處窺他容貌想是女娘分
曉畱他過今朝他也是愁無奈故把蓬門帶月敲集
賢賓家居白雲天際眇一身歷盡劬勞念我孤身居
旅泊借一枝權寓鷓鴣娘恩怎效一飯德終當償報
合難訴告訴不盡許多煩惱前腔聽他言語心暗曉
見他人傷感無聊遙憶家園空自老嘆骨肉瓦解冰
消兄淹外朝念吾母劬勞難報合前前腔扶風世家
居大道大夫姓班名超出使西夷音信杳念家中姑
又年老為夫上書拜金闕哀求恩詔合前前腔方纔
悞却姑與嫂可憐對面叨叨未曾容顏俱髮皓不由

人珠淚零拋、堪悲可惱、這相逢好似夢中纔覺、合前
黃鸝、別後煩惱、困囹圄、家業凋良人遠、使無音耗、姑
身病倒、醫方効少、持刀割股躬行孝、合路途遙天教
到此相會在今朝、前腔、疇昔赴皇朝、喪鸞儔、歸夢杳、
那堪日月如丸跳、白雲念老鴛、衾翠銷、範模忝在宮
庭教、合前、琥珀猫兒墜、明朝金闕、同上乞恩表、願取
吾兄歸漢朝、死生骨肉戀同胞、須教早見鴛侶成雙、
鴈影聯翩、前腔、一宵清話、直到五更曉、萬種離愁訴
不了、并將國史奏皇朝、須教勉成了兄書、自愧續貂
尾、聲今宵邂逅違姑嫂、休剔銀燈和淚照、猶恐相逢

似夢覺

班超接詔

醉扶歸。方信道有懷投筆。超遐遠。難道是無能持節。
返長安。謾誇你題柱繼文園。何如奏疏傳金殿。果然
邊城萬里。獨平蠻。不負寒窓十載。曾穿硯。

尾犯序。一自離長安。食不解甲。寢伏征鞍。遊遍百蠻。
出萬死千般艱難。慮見吾不願封官萬戶。吾不願盼
到酒泉。但只願此身生入玉門關。前腔。心存一寸丹。
使壯夷歸化。納款於漢。名震呼韓。有捷書飛報龍顏。
須看。早掛弓扶桑月窟。喜壁全同。奏凱還男兒志袖。

中劔已斬樓蘭

任尚見起

風入松 嘆先年貧困值饑寒曾與抄寫屯田男兒志
氣非卑謫你舌刀將吾褒貶一時間容人量淺那些
箇好禮義重英賢前腔因思投筆淚潸然欲效介子
張騫自憐未遂男兒願被逐出不容分辨因此上投
荒弔遠豈知今日與你重相見前腔折衝樽俎制三
邊掌機務任兵權臨陣定謀方宣戰省刑罰薄征稅
歛死當保全遵王化重中原前腔當初出使涉蠻烟
出了千般艱險西夷北狄曾遊遍戴鑒鑒親歷百戰

并諸國身不記年、說不盡晝忘食、夜無眠、撲燈蛾、夷狄如羊犬、難處易生變、秋毫不敢犯、寬洪使無他怨也、聽吾所言、決不可驕傲如前、戒暴怒、除却峻嚴、赦寬小過、性無偏、前腔才疎智慮淺、不能遐遠、豈堪居大位、無能自覺愧汗也、失之在先、恨肉眼不識英賢、乞明公奇謀異見、猥承君後、保三邊、尾聲今朝重觀春風面、比着先前差大遠、難道相逢無一言、

驛館相逢

甘州歌繞離帝里、出都門風景似、覺依稀、郵亭來往、車輪轉得塵飛、晨光隱隱舒碧落、烟霧濛濛鎖翠微、

山高處日上遲、草頭微露濕羅衣、家遙遠情慘悽、西
風腸斷鴈來時、前腔一從鸞鳳飛、嘆蓬茅十載自守
孤嫠、荊花睽隔痛吾親、有誰依倚、只圖姓名昭簡史、
不念萱親暮倚閭、封書奏雨露施、遙瞻王命下天墀、
趨官道辭帝畿、洛陽雖好不如歸、前腔山溪分燕尾、傷
人家竹下水流橋底、閒花野草、怎如我故園桃李平
陵舊宅歸去晚、城郭人民半已非、山迢遞水渺瀰、摩
肩接踵聚驂駢、行不上快路歧、野猿哀叫鷓鴣啼、前
腔閒愁且破除、趙程途須索趙上行車、途中滋味比
不得定省庭闈、山名大行分澤路、水入黃河帶魯齊、

林霏暗人跡稀、郵亭回首暮雲遮、天將暝日已西、漢
家陵寢草萋萋、尾聲叫驛夫、傳驛吏、休言我是里中
兒、上國勲臣太史妻、

皂羅袍、纂見當今國史、不由人悽慘、倍增憂疑、先朝
筆仗孟堅書、後章文跋班昭序、鴈行鴻侶、生別死離、
思量到此、怎不淚垂、可憐物在人亡矣、前腔、曹慤寄
居京邸、父先亡、惟賴母親班氏、纂脩國史、奏丹墀、一
官恩荷朝廷賜、相逢到此、傾蓋相如、不知就裡、因何
淚垂、請明又恐傷先輩、前腔、早年承恩出使、到如今
未返、尚在兩處、家中祖母倚門闥、其妻鄧氏今來此、

為夫不返望闕上書幸逢吾母哀求聖旨如今詔取
他們去前腔夙世扶風居住本儒門姓班仲升吾是
幾年為使滯羗夷今朝衣錦還鄉里荆妻鄧氏未聞
起居大家女弟別來久矣不知飄泊今何處

金井梧桐一從鳳翼飛家下遭顛躓道你臣事荒夷
母病幾不起為伊來上書一向寓京畿望眼懸懸不
見歸承恩賜我歸鄉里豈料今朝得遇伊傷情處鮑
煩惱費相思合今日裡把往事重提說不盡恹惶語前
腔終朝苦念兒悶把門閭倚顏範相違又是年餘矣感
他母共兒患難儘扶持別後他家未可知子欲歸養

親不逮只怕你穿不得五彩斑斕衣傷情處急忙歸
去恐為遲(合前)前腔生來恨不齊中道分鴛侶堅守
孤嫠寄跡畱京邸鵲鴿原上悲骨肉怨睽違幾度思
親不得歸今宵剩把銀缸照又恐相逢在夢裡傷情
處不堪回首盡垂絲(合前)前腔當初別帝畿遠使
戍荒地為王命羈縻三十載淹師旅魚沉鴈又稀音信
到家遲思母空將珠泪揮晨昏謝你相扶持報不得
當初炊糜度傷情處故園歸去盡皆非(合前)尾聲幸
今朝重完聚新愁舊憾不須提早乞泥封慰母思

封贈團圓

一封書離膝下遠遊念吾親誰解憂功名事逗遛歷
風霜到白頭幾度思家勞夢寐萬里瞻雲凝淚眸
舉金甌賀封侯耀祖榮宗拜冕旒
前腔從別後許久
倚門間無限愁思骨肉淚流貌枯焦心孔疚幸喜今
朝榮晝錦不負當初把筆投
合前前腔當日去帝州
急回頭又二秋中途裡阻留偶相逢鸞鳳友寶瑟宮
商音再續絕域功名志已酬
合前前腔青年喪鳳儔
守孤孀誓柏舟臨鸞鏡自羞到如今兩鬢秋代馬依
風思北闕狐死傷殘戀首丘
合前
排歌名震中華威服外夷今朝方顯男兒爭誇事業

繼臯伊、健羨功名勒石碑、合傳丹詔降紫芝、彩鸞祥
鳳下天墀、光宗祖、贈母妻、封侯萬里耀門閭、前腔清
白傳家、辛勤課兒自嘆、歷盡艱危、只知骨肉阻東西、
今日回來也未遲、合前前腔夫去親衰家貧歲饑、乳
乳自守孤嫠、只愁夫婦難期會、誰想重諧連理枝、合
前前腔早為夫亡、夙閑姆儀、堅持節操、無虧傷心載
誦柏舟詩、苦志修完太史書、合前前腔主聖臣忠、妻
賢母慈、當誇節義貞奇、不惟褒貶印圖書、健羨庭幃
相會時、合前前腔禾生九穗、麥秀兩歧、欣然值此明
時、聲名赫赫震華夷、忠義昭昭載史書、合前

牧羊記

持觴祝壽

〔山花子〕壽筵開處風光好，爭看壽星臨照。美麻姑寶
女竝朝，壽同王母年高。〔合〕壽香騰壽燭影搖，玉盃壽
酒增壽考。金盤壽菓獻壽桃，惟願福如東海，壽比山
高。〔前腔〕姑年壽高，福祿壽星三照，見祥雲五色籠罩。
願朱顏壽比長生不老，壽夭齊同歡笑。〔合前〕前腔嬌
顏壽呈花貌，唱壽詞韻過雲霄。玉纖把壽拍謾獻壽
山低舞小蠻腰。〔合前〕前腔王孫貴戚慶壽齊來到，簇
擁翠幃深杳。壽花簪壽髮更嬌，壽圖壽筵偏好。〔合前〕

太和佛青鹿銜芝呈瑞草齊祝願壽山高龜鶴呈祥
戲底沿齊祝願壽山高畫堂中壽日多喧鬧願壽基
鞏固堅牢享壽綿綿樂壽滔滔展壽席人人懽笑齊
慶壽筵壽筵壽詞妙舞霓裳階下雲步壽馨香壽馨香
筵前松柏壽枝喬壽賓醉中醉中增祝壽惟願壽長
壽遠壽彌高更壽比靈椿不老重鐫注南極長生壽
星照紅綉鞋壽爐寶篆香飄香飄壽桃結子堪描堪
描斟壽酒壽盃交歌壽曲壽奴嬌齊祝願壽山高尾
聲長生壽域龐開了壽燭熒煌徹夜燒歲歲年年增
壽考

衛律說降

桂枝香看你丰姿標致那更言詞爽利奈何所見不同更不知書達禮聽吾所言聽吾所言與你結為兄弟還你榮華富貴自思維莫待臨崖勒馬收鞭晚船到江心補漏遲前腔縱有發天威勢難挫我凌雲豪氣便封你做不義之王我死做忠良之鬼寧甘受死寧甘受死怎肯啖腥膻滋味落圈圈任他區處那單于若要我降順直待東方月上時前腔出言吐氣好不知禮你若固執不從時悞了你惺惺伶俐識時務俊傑識時務俊傑不必狐疑免被傍時談議笑伊欠

通書史假饒你會使上天無窮計只怕難逃目下危
前腔忒不觀事把我做凡儕一例我平生見富如仇
不似你貪圖榮貴猶兀自絮叨猶兀自絮叨陷我做
出不仁不義急須迴避休賣弄口舌唇皮任你說得
天花墜我當長空亂雪飛

齧雪吞瓊

小桃紅朔風凜凜大雪紛紛我死有誰來伴也遙瞻
漢明君在五雲鄉玉體坐明堂怎知我守綱常在窖
中央絕餽糧遭磨障也甚日位復中郎將佐理朝綱
輔漢主亭前柳拜別親娘只恐跋涉路途長誰知我

未死身先喪、那值凍餒淒涼、怎能勾回歸到伊行戲
班、笑捧霞觴、我妻甘肯應無恙、何日得供奉萱堂、
怎禁得兩淚汪汪、下山虎把氈衫嚼細、纖如刺芒入口
難吞、如何充餓腸、哽住咽喉、氣急急當強把舌頭來
嚥也、黃泉路渺茫、誰把我衷情達漢王、試把雪兒咽
懷抱、漸寬便覺精神壯、氣力強、續牌令我意已效忠
良、拚死待何妨、只愁親年老、又沒個親兒在傍、我妻
兒是閨門女娘、怎供奉中饋、蘋蘩從天降、休妄想、且
順時行道、作箇商量、

北海牧豎

(山坡羊)只見浪滔滔無邊無際風淅淅穿衣袂亂紛
紛敗軍隊幾隻羝羊實丕丕教人難分理命陷危災
來怎躲避喪門弔客怎脫離又撞着黃旗泣豹尾(合)
思君思君泪暗垂思親思親淚暗垂(前腔)白茫茫天
昏雲際黑彤彤沙飛石起冷冷清清孤形單影靜恍恍
沒一箇人來至腹餒饑身寒體欠衣多應餓死餓死做
箇沙場鬼一點忠魂訴與誰(合前腔)我是遠迢迢
中漢來的天使鐵錚錚不怕死的豪傑惡狠狠叛臣
衛律急煎煎斷送我没人地着我看守羝羊待羝羊
乳始放歸衣衫飯食飯食渾無計腹餒身寒難度日

心中慘悽、合前、前腔、昏濛濛不分曉的天地、虛飄飄、
無依倚的身體、滴溜溜望想開着善眼、懇切切把咱相、
存濟、寧死饑這節兒、怎敢與伊、乞施萬丈深潭計、救
我一時目下危、合前

女德不惑

羅江怨、風清月正圓、行到海邊、啼啼哭哭有誰見、憐
羞花容貌人鮮妍、奈婦時乖際、此身多寒、蕭蕭鸞鳳
仙、巫山雲雨怪甚、月能勾從人願、前腔、即君聽訴言、望
伊保全、奴家是良家子女、當少年、今朝相會豈徒然、
望你慈悲不棄奴、寒賤你忠心直恁堅、如奴心續斷

絃何牽見郎君面
前腔你袖身急便轉不得久纏你
便脫活西子在目前
這是敗國亡家怎與你諧姻眷
激得我心火煎腦門上起烟交你認得我是忠臣面